



Pou Piblikasyon Imedya: 28/02/2022

GOUVÈNÈ KATHY HOCHUL

GOUVÈNÈ HOCHUL ANONSE NOUVO PAK ETA K AP POTE NON SOJOURNER TRUTH

Dedye a natif Hudson Valley ki se yon Afwo-amerikèn pandan 19 èm syèk la, yon abolisyonis ak sifragist

Akizisyon ansyen izin pwodiksyon siman ki koute 13.5 milyon dola sou plis pase yon km pa rapò ak litoral Rivyè Hudson lan nan Kingston ak nan Vil Ulster

State Parks, PIPC pral fè patenarya ak Scenic Hudson pou opere novo Park la

Foto yo disponib [isit la](#)

An rekonesans ak Mwa Istwa Nwa (Black History Month) ak Mwa Istwa Fanm (Women's History Month) yo, Gouvènè Kathy Hochul te anonse jodi a yon novo Pak Eta ke yo te planifye pou plis pase 202 kawo tè nan ansyen pwopriyete endistriyèl sou litoral Rivyè Hudson lan nan Konte Ulster pral pote non Sojourner Truth ki se abolisyonis ak sifragis Afwo-Ameriken nan 19èm syèk la. Sa a pral premye Pak Eta nan Vil Kingston ak premye novo Pak Eta k ap ouvri depi jiyè 2019.

"Li apwopriye pou yon pwopriyete mayifik konsa ak falèz li yo ak litoral Hudson pote non yon fanm remakab ki te kòmanse lavi isit la nan Konte Ulster", **Gouvènè Hochul te deklare**. "New York angaje li pou li reflete istwa divès moun li yo, tankou Sojourner Truth ak mesaj libète ak egalite li a, ki te enfliyanse istwa enspiran eta nou an."

Li te fèt esklavaj an 1797 nan Esopus, Konte Ulster, Isabella "Bomefree" Baumfree te libere tèt li anba esklavaj an 1826 yon ane anvan esklavaj legal te fini nan New York. An 1828, li te genyen yon pwochè pou rejwenn gad pitit gason li an, ke yo te vann nan esklavaj nan Deep South la, sa ki make youn nan premye ka legal kote yon fanm Afwo-Amerikèn te ranpòte yon pwochè nan tribinal kont yon blan.

Swit ak opinyon relijyez li ki ankre pwofondman, li te vwayaje kòm yon predikatris itineran, pale 'verite' sou inegalite grav moun koulè yo ak fanm yo te sibi pandan li t ap fè apèl pou yon chanjman sistemik. Li rebay tèt li non Sojourner Truth, li te vin youn pami vwa prensipal nan nasyon an pou abolisyon ak sifraj inivèsèl nan 19èm syèk la. Pandan Lagè Sivil la, li te rekrite gason pou Lame Inyon an, epi li te travay pou

Freedmen's Bureau, yon ajans ki te ede esklav ki fèk libere yo. Apre lagè a, li te kontinye defann dwa vòt inivèsèl yo. Sojourner Truth te mouri an 1883, apre gason Afriken Ameriken yo te resevwa vòt la, men ak adopsyon nasyonal sifraj pou fanm yo ki t ap rive nan kat deseni ankò.

Nan mwa out 2020, State Parks te enstale yon estati li nan rantre Iwès Pak Istorik Eta Walkway Over the Hudson lan nan Highland, Konte Ulster epi li te dedye li a 100èm anivèsè sifraj fanm yo nan yon seremoni youn nan desandan li yo te asiste.

State Parks te fè patenarya ak gwoup anviwonman san bi likratif Scenic Hudson pou pwoteje tè pou novo pak sa a ke yo prevwa pou yon devlopman prive a gwo echèl anvan. Finansman pou acha 13.5 milyon dola pa State Parks te bay atravè Fon Pwoteksyon Anviwònman (Environmental Protection Fund) eta a. Apeprè twa ka nan pwopriyete a nan Kingston, epi rès la nan Ulster.

Sit la ki yon fwa te yon pwodiksyon siman, fabrikasyon brik, ekstrasyon, ak rekòlte glas, pwopriyete a déjà gen ladan Hudson River Brickyard Trail. Yon pati nan Empire State Trail ak Kingston Greenline, sante pave sa a te ouvri an desanm 2020 kòm yon pwojè vil Kingston, ki jere sante a, ak Scenic Hudson. Li ofri panorama espektakilè sou Rivyè Hudson ak falèz 150 pye ki gen kalkè ak grè ki te atire pwodiksyon siman sou sit la kòmanse nan ane 1840 yo.

Komisè Pak Eta yo, Erik Kulleseid te deklare, "State Parks fyè pou nonmen novo Pak nou an nan onè Sojourner Truth, youn nan premye vwa enpòtan nan New York epi pita nan nasyon an pou abolisyon sifraj fanm yo. Anplis pote istwa li bay vizitè yo, pak sa a pral pèmèt tou entèpretasyon istwa endistriyèl ak endijèn sit la epi li pral ede pwoteje ekoloji Rivyè Hudson lan. Nouvo pak la pral sipòte revitalizasyon ekonomik k ap kontinye Kingston ak ekonomi touristik Iwazi rejyonal la. Li pral benefisyé kalite lavi rezidan yo pandan tout ane a, epitou li pral bay yon novo atraksyon nan Hudson Valley pou itilizatè Empire State Trail yo."

Direktè Egzekitif Komisyon Pak Palisades Interstate la, Joshua Laird, te deklare, "Nou kontan dèské novo pak eta nou an pral onore Sojourner Truth ak eritaj pwisan li kòm yon abolisyonis ak yon vwa pou sifraj fanm yo. Nou pa ka tann pou rakonte istwa li epi entèprete rekonstriksyon ansyen sit endistriyèl sa a an yon bèl peyzaj dramatik ki bay sou Rivyè Hudson lan. Komisyon an vle eksprime rekonesans li anvè Gouvènè Hochul, Komisè Pak Eta Kulleseid ak Scenic Hudson pou efò yo fè pou pwoteje tèren sa a."

Ned Sullivan, Prezidan Scenic Hudson lan, te deklare, "Scenic Hudson kontan dèské Gouvènè Hochul te chwazi selebre lavi ak eritaj Sojourner Truth lè li bay pak sa a pote non li. Atravè kouraj li ak vwa kourajez li pou jistis ak egalite pou tout moun, li te trase yon egzanp ki toujou sonnen byen fò nan kòz kontinyèl sa a ki enpòtan anpil la. Nou rekonesan anvè Gouvènè Kathy Hochul ak Komisè Pak Eta Erik Kulleseid paske yo te dirije akizisyon eta a nan bèl pwopriyete sa a, ki rich nan istwa ak posiblite pou jwisans piblik la. Ajoute sa a nan sistèm Pak New York la se vrèman yon etap vizyonè,

epi nou salye patenarya yo nan aksyon konsèvasyon sa a. Scenic Hudson pa ka tann pou kontinye koperasyon nou avèk State Parks, Komisyon Pak Palisades Interstate la, ak kominate Kingston ak Ulster a pandan n ap fè ansyen sit endistriyèl sa a tounen yon kote ki enteresan pou tout moun konekte ak aktivite deyò, eritaj endijèn ak ouvriye rejyon an, epi youn ak lòt. Avèk kombinezon inik bote natirèl ak istwa, mwen pa gen dout ke Pak Eta Sojourner Truth pral byen vit tounen youn nan premye destinasyon Iwazi rejyon an. Nou swete tou rekonèt sipòtè jenere Scenic Hudson yo ki te rann posib akizisyon nou an pou pwopriyete a, moun ki te travay avèk nou pou sove pwopriyete a soti nan devlopman kèk ane de sa, ak manm Konsèy ak anplwaye Scenic Hudson yo pou wòl enpòtan yo nan chak etap nan pwosesis la."

State Parks pral enstale pakin ki limite ak sante randone pou bay aksè publik pou rekreyasyon pasif prentan sa a. An atandan, eksepte Hudson River Brickyard Trail la, pwopriyete a pa ko ouvri pou publik la. Scenic Hudson deja fè yon etid konplè sou resous ekolojik, jewolojik ak kiltirèl pwopriyete a.

Dapre yon akò, State Parks, Scenic Hudson, ak Komisyon Pak Palisades Interstate pral kolabore epi mande opinyon publik sou fason yo pral devlope Pak Eta Sojourner Truth la. Scenic Hudson, ki pral opere pak la anba yon akò senk ane, te deja fè reyinyon publik sou sijè a epi patnè yo pral anonse plis reyinyon alavni.

Senatè Eta Michelle Hinchey te deklare, "Efò vizyonè sa a pou antre Vil Kingston nan sistèm Pak Eta New York la gen yon gwo siyifikasyon nan kominate nou an. Mwen fyè dèske mwen te garanti 200,000 dola nan finansman eta a pou sipòtè pwojè triyonfan sa a, ki pral pote yon espas vèt san parèy nan kominate nou an pandan y ap komemore youn nan figi ki pi pwolifik nan konte, eta ak nasyon nou an. — ki se Sojourner Truth. Mwen remèsyé Gouvènè Hochul, State Parks, ak Scenic Hudson paske yo te fè envestisman enpòtan sa a nan Kingston pou nou kapab ak fyète transfòme twonson tèren sa a ki rich ak istwa nan premye Pak Eta Vil nou an."

Manm Asanble Kevin Cahill te deklare, "Gouvènè Hochul kontinye demonstre konesans li, enkyetid li ak enèji li nan non zòn nou an. Jodi a se dènye egzanp lan. Bay pak sa a pote non youn nan moun ki pi enpòtan nan kominate nou an, Sojourner Truth, se vrèman apwopriye. Li te jis sitiye a plizyè santèn yad jsika bò rivaj la, rive nan Sleightsburg ak Rondout Creek kote Truth, ke yo te konnen lè sa sou non Isabel Bumford, yon jèn fi, te vwayaje plizyè km, chak jou, travèse Creek la sou yon rado, ak pwovizyon pou tavèn ki posede ak dirije pa esklavajis li yo. Estati ki kanpe nan sant Port Ewen lan montre jèn ti fi adolesant sa a, ki te eksplwate, men ki fò epi ki te detèmine, li sèvi kòm yon rapèl klè ke kominate nou an pa te egzante terè esklavaj la. Vrèmanvre, kèk nan chèf nou yo pa te menm fè distensyon ant granmoun ak timoun nan eksplwatasyon lòt èt imen yo. Men nominasyon pak sa a rekonèt tout grandè Sojourner Truth ak enpak li te genyen sou libète, li demonstre fòs devan advèsite epi enspire yon nasyon. Kite chak vizitè pran yon poz pou yon ti moman pou admire bote kominate nou an epi sonje sa a kòm kay lidè nasional enpòtan sa a."

Direktris Egzekitif pou Angajman Kiltirèl ak Lavi Dirab Fidisi Kingston lan, Shaniqua Bowden, te deklare, "Pak sa a, ki pote non Sojourner Truth, ki se chanpyon ki pote enspirasyon rejjon nou an, se yon gwo onè ak devouman pou lavi ak eritaj enkwayab ewoyis li a. Mwen espere ke tèren sa a se yon refij dinamizasyon ak rajenisman ki apwofondi apresyasyon nou nan maji nati a ak entèkoneksyon yo ki enpòtan anpil nan egzistans tout èt vivan yo."

Direktè Egzekitif Hudson River Valley Greenway la, Scott Keller, te deklare, "Pak Eta Sojourner Truth la se yon pwopriyete emblematik Rivyè Hudson ki ofri Iwazi inik, espas ouvè, ak avantaj ekolojik pou rezidan ak vizitè New York yo. Amelyorasyon pwochen pak yo pral amelyore aksè piblik ki te kreye pa Hudson River Brickyard Trail ki te fini ane pase a, ki se yon lyen enpòtan nan Hudson River Valley Greenway ak Empire State Trail nan Kingston ak nan Konte Ulster."

Majistra Kingston lan, Steve Noble, te deklare, "Apre plizyè ane chita epi neglige, pwopriyete iben inik sa a pral, pou premye fwa, ouvri pou rezidan Kingston yo jwenn aksè ak panorama mayifik li yo, sante enkwayab, ak bèl litoral Rivyè Hudson lan. Nou pa ka tann pou nou travay ak tout patnè nou yo pou fè sa a yon pak klas mondal ki aksesib pou chak rezidan Kingston ak kominate ki antoure nou yo. Mwen remèsyé Gouvènè Hochul pou angajman li anvè pak nou yo ak espas ouvè yo epi tou paske li rekonèt eritaj Sojourner Truth isit la."

Ete pase sou pwopriyete a, yo te retire silo siman abandone yo ak de ansyen estrikti endistri siman an pou amelyore sekirite sit la, ansanm ak elaji zòn lan pou pwogram ak evènman alavni. Estrikti ki rete yo, ki gen ladan chemine ak granj milèt ki date depi peryòd fabrikasyon brik nan sit la, ansanm ak anpil estrikti ki ba nan endistri siman ki vizib depi nan Brickyard Hudson River Trail, gen potansyèl pou yo entèprete ak entegre yo nan peyzaj la. Ansyen fòs ekstrasyon sou pwopriyete a ranpli ak dlo, e menmsi yo pa apwopriye pou naje, yo sipòte popilasyon pwason yo.

Sit la se yon pati patri tradisyonèl nan tribi Esopus nan Lenape, ki te rete nan zòn Kingston jiska ane 1600 yo lè kolon Ewopeyen yo te deplase yo. Anplis pou rakonte istwa Esopus la, sit la pral pèmèt entèpretasyon istwa endistriyèl, jewolofi, rezistans anviwònman natirèl nou an, ak wòl enpòtan Hudson Valley nan devlopman Eta New York ak nasyon an.

Avan acha Scenic Hudson lan, yo te destine ansyen min siman an ak teren enstalasyon tretman pou devlopman yon sit ki gen 1,682 inite pou itilizasyon miks, yon pwojè ki te atire gwo enkyetid piblik la.

Acha Scenic Hudson te fèt ak sipò donatè prive ki gen ladan filantwòp Eric ak Wendy Schmidt, Walbridge Fund, The PCLB Foundation, Fon Kathryn W. Davis pou Akizisyon Hudson River Parkland, Carolyn Marks Blackwood, Will Nixon, Illiana K. van Meeteren, Sue Sie, Steven Holl ak Robert Lonergan.

Biwo Pak, Rekreyasyon ak Prezèvasyon Istorik Eta New York (New York State Office of Parks, Recreation and Historic Preservation) la sipèvize plis pase 250 pak endividyèl, sit istorik, sante rekreyatif, ak lansman bato, ke yon kantite rekò 78 milyon moun te vizite an 2020. Pou plis enfòmasyon sou nenpòt nan zòn lwazi sa yo, vizite www.parks.ny.gov, telechaje aplikasyon mobil NY State Parks Explorer la gratis oswa rele nan 518.474.0456. Epitou, konekte avèk nou sou Facebook, Instagram ak Twitter.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)